

Euskal Herriko Ahotsak
ahotsak.com

Luixita Zabala Beristain

*Errenteria,
Gipuzkoa
(1932)*

Aurkibidea



Biografia



Errenteria-Oreretako Gaztaino auzoan pasa zituen Luixitak haurtzaroa eta gaztaroa, Lezon jaio zen arren. Bera jaio eta berehala joan zen familia osoa Errenteria-Oreretara bizitzera. Ama Azkoitikoa zuen eta aita, berriz, Aranokoa. Sei anai-arrebatan zaharrena zen bera eta oso gaztetxo zirela hil zitzaien ama. Aita okina zen: Garmendia okindegian aritu zen lanean lehendabizi eta Villarrealean geroago. Gaztainoko harrobi-gain etxean bizitu ziren. Hamabi urterekin eskola utzi eta umezain aritu zen hasieran; gerora Niessen lantegian hasi zen lanean, hamalau urterekin. Hamabost urterekin ezagutu zuen lantegian lehenengo greba. Artean ez zituen gertaera haien nondik norakoak ulertzen. Gerora, hogeita hiru urterekin emakumeen sekzioko langileen ordezkari izan zen. Hamalau urtez egin zuen lan Niessenen, ezkondu zen arte. Ezkondu aurretik behartu egin zuten lana uztera. Pasai Donibaneko Joxe Mari Karrererekin ezkondu eta Galtzaraborda auzoan jarri ziren bizitzen. Sei seme-alaba izan zituzten eta geroztik han bizi izan dira.

Zintak

ERR-044

- **Proiektua:** Euskal Herriko Ahotsak
- **Elkarrizketatzailea(k):** Zabala, Edurne
- **Data:** 2010-10-20
- **Iraupena:** 40 min
- **Euskarria:** Bideo digitala
- **Kodifikatzailea:** Etxeberria, Eider

ERR-045

- **Proiektua:** Euskal Herriko Ahotsak
- **Elkarrizketatzailea(k):** Zabala, Edurne
- **Data:** 2010-10-20
- **Iraupena:** 74 min
- **Euskarria:** Bideo digitala
- **Kodifikatzailea:** Errazkin, Aitor

Pasarteak

1. Lantegian zigorra, hitz egiteagatik

- **Erref:** ERR-044/002
- **Iraupena:** 0:02:29. **Hasi:** 00:01:28. **Bukatu:** 00:03:57
- **Multimedia:** bideoa online ikusgai

Gaia(k):

- Ekonomia eta industria » Lan-baldintzak
- Ekonomia eta industria » Emakumeak lan-munduan (etxetik kanpo)
- Ohiturak eta bizimodua » Kontakizunak eta sinesmenak » Anekdotak, kontakizunak

Laburpena:

<p>Niessen lantegian zigortu egiten zituzten hitz egiteagatik. Lehenbiziko aldiz aitaren firma faltsutu zuen eta ez zen ezer gertatu. Baina, bigarrenean, etxera bidali zuten zortzi egunerako, eta aitari aitortu behar izan zion. Aitaren erreakzioa. </p>

Transkripzioa

- Nei bi bider-eo harrapatu ziaten hitz eitten —ez nei bakarrik, bestiai ere—, eta behin bialdu ziaten etxea zortzi eguneko kastiguakin hitz eitten harrapatu ziatelako. Lehenbizikua saiatu nun, aitan firma falsifikatu nun, ta aita ez zun jakin. Baiñan bigarrenian ya zortzi egunian etxian ezin nitzan —ordurako ama hilda zeon, iya hogei urte izango nittun—, eta esan in behar izandu niyon: “Aita, zortzi eguneako etxian nao”, ta “Zer gertatu da, ba?”, “Ba, hitz eitten harrapatu nautelako”, “Horrekin ez, beste zeoze ingo zendun”, “Ez, hitz eitten neon ta harrapatu in naute”. Ta zan enkargatu hura, e? Hua ze... beira...

- Baiña orduan Frankismo garaiko lantegietako girua oso zorrotza zan, ez? Esan nahi det, ez zenutela hitz egin ere eta oso kontrolatuta bezela ziñaten.

- Bai, hitz eitten gendun! Baiñon... bueno! Baiñan kontua euki behar zenun, erne egon behar izaten ziñan ez harrapatzia, baiñan... Nei beti harrapatzen ziaten. Iñolaz´e zeana nitzan, malizi gutxikua o ez dakit. Eta hala, nik ez nun jakin ezkondu ta gero arte, aita kontakatu zian: hori eman ziatenian, jetsi zan Niessenea. Ta [Lixardikin] soldaduska-o elkarrekin iñak zian, eta beakin hitz ein zun, eta esan ziyon iya egiya zan nik esan niyona. Ta baietz, egiya zala. Eta eskerrak langille ona nitzan, bestela aspaldi bialdu ziatela, erantzun ziyoten, ta “Ba, langille ona baldin bada, hitz eitteagatikan ez da delito haundiya”. Osea, gaiñetikan arrazoia eman zian. Eta gogoratzen naiz nausiya etorri zala —iñolaz´e [Josek] pasako zion ta—, don Carlos, aldamenian, eta “¿Qué? ¿Qué te ha dicho tu padre?”, “A mí nada”, esan zian: “Eso si que no te lo creo”, “Vale”. Ta ez zian gehio esan. Baiñan hori izaten zan ume ziñan bitartian. Ez dakit nola esan. Umiak giñan, hamalau-

hamabost urtekuak giñan iya danak. Berrogeta hamarren bat eo iya ehunen bat sartu giñan urte hoietakuak.

2. Ezkondu ala lanean jarraitu?

- **Erref:** ERR-044/004
- **Iraupena:** 0:02:37. **Hasi:** 00:04:32. **Bukatu:** 00:07:09
- **Multimedia:** bideoa online ikusgai

Gaia(k):

- Ekonomia eta industria » Emakumeak lan-munduan (etxetik kanpo)
- Familia eta harremanak » Bikote kontuak » Ezkontzak
- Ekonomia eta industria » Lan-baldintzak

Laburpena:

<p>Luixitari ezkontza pare bat urtez atzeratzeko proposatu zioten lantokian, bulegoan lanean jarraitu ahal izateko. Ez zuen eskaintza onartu eta gerora damutu egin zen. Lana uzteagatik eman zioten diruarekin ezkontza eta ezteibidaia ordaindu zituzten.</p>

Transkripzioa

- Ta gero, ezkontzeko utzi in zenun lana? Ezkondu ziñanian lana utzi zenun?
- Ezkondu baiño pixkat lehentxio, sei bat hillabete lehenoztikan, ofizinaa deitu ziaten eta esan ziaten ia... Orduan primako lanak-eta langillek bertatikan hartzen zittuztenen ofizinan egoteko, zea hoiek danak eramateko. Eta ni... papera jarri ia zuten presentatu nahi zunak hori hartzeko ta. Ta ni ez nitzan presentatu. Ta deitu ziaten. Ia zeatikan ez nitzan presentatu; ta dibisiyuetan zeruakin problemak nittula ta lotsa ematen ziala ta horrengatikan; ta hori ez zala problema, osea, beraiek erakutsiko ziatela. Ez? Ta esan zian: “Noiz ezkontzeko asmua dezu ba?”, “Udara hontan”, “Ba, hitz ein zazu nobiyuakin ta urte pare batian atzeratzeko ezkontza —ez?— ta ofizinan sartu zaitez”. Ta ke ba, Jose Mari ez zeon gehio atzeatzeko; ya hiru urte [zan], ta lehenbailehen ezkondu ta kitto. Baiñan gero damutu in naiz, e!
- Eta zergatikan utzi behar zen lana ezkondata?
- Zergatik...?
- Lana utzi behar zan ezkondata.
- Utzi behar. Lege zan.
- Behartuta ziñaten.
- Bai. Gero esan diate ez zeola legeik. Zegatikan nik behin periodikuan, etxian daukat gordeta in nun protesta Diario Vascon.
- Bai, ba, neri esan didate bazegola lege hori, atera zala, e?
- Eta, orduan, utzi in behar zendun. Ematen zizuten zea, nik periodikuan jarri nun bezela, “despido encubierto”, osea, soldata zea bat, hainbeste urtengatikan hainbeste diro. Ez? Nik kobratu nittun 13.000 pezeta, uste det. Orduan diru asko zan, e! Diru asko zan! Horrekin ezkontza ordaindu gendun, biagia in gendun, etxian ez gendun zorrik in, eta gaiñetikan, milla pezeta sobratu zitzaizkigun. Osea, hillabete pasa gendun, e, Madriden ta Burgosen ta hola. Eta orduan diro asko zan. Jantzi in giñan, ezkontzarako erropak eta gauzak.
- Bai, bai, gastuak.
- Gastuak. 13.000 pezeta eman zizkiaten. Orduan etxian ez zeon diroik, eta aita kezkatuta, osabai eskatuko ziyola... “Zuk iñorrei ez eskatu, honekin moldatuko gea ta kitto”.

3. Eroski sortu zenekoa

- **Erref:** ERR-044/007
- **Iraupena:** 0:01:58. **Hasi:** 00:12:08. **Bukatu:** 00:14:06
- **Multimedia:** bideoa online ikusgai

Gaia(k):

- Lanbideak » Negozioak, dendak
- Ekonomia eta industria » Langileen arteko harremana eta langile-mugimenduak

Laburpena:

<p>Gipuzkoan lehen kooperatiba txiki asko zeuden; Caja Laboralek denak batu zituen eta Eroski sortu zuten orduan.</p>

4. Lehengo eta oraingo emakumeak uste baino antzekoagoak

- **Erref:** ERR-044/008
- **Iraupena:** 0:03:39. **Hasi:** 00:14:06. **Bukatu:** 00:17:45
- **Multimedia:** bideoa online ikusgai

Gaia(k):

- Ekonomia eta industria » Lan-baldintzak
- Ekonomia eta industria » Emakumeak lan-munduan (etxetik kanpo)
- Iritziak » Antzinako bizimoduari buruzkoak

Laburpena:

Emakumeek lana utzi egin behar izaten zuten ezkontzen zirenean. Bazegoen modu bat lanean jarraitzeko, baina garai hartan Luixitak ez zuen aukera hori aprobetxatu. Erreterian emakumeak ohituta zeuden etxetik kanpo lan egiten. Gaur egun emakumeak buruz esaten direnei hitz egiten du eta lehengo bizimoduarekin alderatzen du.

5. Lehengo bizimoduari buruzko uste okerrak

- **Erref:** ERR-044/009
- **Iraupena:** 0:03:17. **Hasi:** 00:17:45. **Bukatu:** 00:21:02
- **Multimedia:** bideoa online ikusgai

Gaia(k):

- Iritziak » Antzinako bizimoduari buruzkoak

Laburpena:

Lehengo bizimoduari buruzko uste okerre buruz hitz egiten du: lehen Erreterian ez zen hain arrunta seme-alaba asko edukitzea. Berak 6 seme-alaba izan zituen 5 urtean, baina ez zen ohikoa.

6. Antisorgailuei buruz asko hitz egiten zuten

- **Erref:** ERR-044/010
- **Iraupena:** 0:02:26. **Hasi:** 00:21:02. **Bukatu:** 00:23:28
- **Multimedia:** bideoa online ikusgai

Gaia(k):

- Familia eta harremanak » Sexua eta generoa » Genero berdintasuna
- Natura » Meteorologia

Laburpena:

Lehen asko hitz egiten zuten antisorgailuei buruz lagunen artean. "Errezetak" ematen zizkieten batak besteari eta bazekiten nola gal zitekeen umea.

7. Umeek benetan ematen dituzten gastuak

- **Erref:** ERR-044/011
- **Iraupena:** 0:02:52. **Hasi:** 00:23:28. **Bukatu:** 00:26:20
- **Multimedia:** bideoa online ikusgai

Gaia(k):

- Iritziak » Bizitzarekiko ikuspegia
- Bestelako kontuak » Gaur egungo kontuak

Laburpena:

Hurrek ez dute ezer eskatzen: maitasuna eman eta gosea kendu behar zaie. Umeak hazteko gastuak helduek bilatzen dituzte, baina ez dira behar-beharrezkoak. Gaur egun guraso izateko moduari buruzko iritzia ematen du.

8. Haurdun dauden emakumeekiko errespetua

- **Erref:** ERR-044/013
- **Iraupena:** 0:01:38. **Hasi:** 00:28:35. **Bukatu:** 00:30:13
- **Multimedia:** bideoa online ikusgai

Gaia(k):

- Ohiturak eta bizimodua » Osasuna » Jaiotzak
- Iritziak » Bizitzarekiko ikuspegia

Laburpena:

Lehen haurdun zeuden emakumeei barre egiten zitzairen, "bekatua" egin zuela agerian baitzegoen. Behin Luixitak bere semeari garbi azaldu zion zergatik ez zen barre egin behar horrelakoetan.

9. Lehengo janaria eta oraingoa

- **Erref:** ERR-044/016
- **Iraupena:** 0:03:34. **Hasi:** 00:34:29. **Bukatu:** 00:38:03
- **Multimedia:** bideoa online ikusgai

Gaia(k):

- Ohiturak eta bizimodua » Elikadura » Jatekoa eta edatekoa
- Baserría » Baserriko lanak » Herrira saltzera, erostera
- Iritziak » Antzinako bizimoduari buruzkoak

Laburpena:

<p>Igandetan feria izaten zen Foruen plazan: emakumeitsu bat etortzen zen biolinarekin tangoa jotzera. Feriako giroaz hitz egiten du. Asto-tokiak non zeuden azaltzen du. Lehen janaria naturala eta bertakoa zen; gaur egungoak ez du zaporerik haien aldean.</p>

10. Erreterriako eskolak

- **Erref:** ERR-045/001
- **Iraupena:** 0:03:36. **Hasi:** 00:00:00. **Bukatu:** 00:03:36
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola

Laburpena:

<p>Gaztea zenean Erreterrian zein eskola zeuden kontatzen du Luixitak: "herriko eskola", "mojak", "doña Rosa"ren eskola, "Aierbekoa", "las canarias"... Irakasle batzuen izenak ere gogoratzen ditu: don Pedro, don Adolfo, señorita Gloria...</p>

11. Bezperatara joan ordez, zinera.

- **Erref:** ERR-045/002
- **Iraupena:** 0:01:33. **Hasi:** 00:03:36. **Bukatu:** 00:05:09
- **Multimedia:** bideoa online ikusgai

Gaia(k):

- Aisia » Kultura » Zinema
- Aisia » Kultura

Laburpena:

Luixitaren aitak bere alabak jai arratsaldetan bezperatara joan zitezela nahi izaten zuen. Amak, zinerako dirua ematen zien, ordea.

12. Haurtzaro askea Gaztainon

- **Erref:** ERR-045/004
- **Iraupena:** 0:06:16. **Hasi:** 00:08:50. **Bukatu:** 00:15:06
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Bainuak, errekak eta uretako jolasak
- Familia eta harremanak » Lagunartea eta familia » Jolasak

Laburpena:

Luixitak Erreterriako Gaztaino auzoan pasa zuen ia haurtzaro osoa, hiru urterekin aldatu baitziren hara, Biteri kaletik. Txikitan gaizto porrokatuak zirela onartzen du. Gainera, ez omen zen Luixitari korrika gailenduko zitzaionik. Etxeko lanekin lotura zuten jolasak ez zituen maite, baina kaniketan eta beste hainbat jolasetan jostatzen ziren, askatasun handiz, beti ere, Gaztainoko inguruak aproposak baitziren horretarako.

13. Baserriko lanak ikasi baserritar izan gabe

- **Erref:** ERR-045/005
- **Iraupena:** 0:03:09. **Hasi:** 00:15:06. **Bukatu:** 00:18:15
- **Multimedia:** bideoa online ikusgai

Gaia(k):

- Baserrria » Baserriko bizimodua » Baserriko bizimodua
- Baserrria » Baserriko lanak » Baserriko animaliak

Laburpena:

<p>Luixitaren etxeko sotoan animaliak zituzten eta gogoan du arkume bat haztera ere iritsi zirela, biberoia emanda. Baratzeta ere bazuten, eta txikitatik ikasi zuten hango lanak egiten, aita erakutsita. Txitak arrautzetatik atera aurretik etxeko sutondora eramaten zituzten, eta han jaiotzen omen ziren guztiak.</p>

14. Gabonetan Gaztainotik Madalen kalera Olentzerorekin

- **Erref:** ERR-045/006
- **Iraupena:** 0:04:47. **Hasi:** 00:18:15. **Bukatu:** 00:23:02
- **Multimedia:** bideoa online ikusgai

Gaia(k):

- Erljioa » Ohiturak eta bizimodua » Eliza giroko ospakizunak » Gabonak

Laburpena:

Luixitak betidanik ezagutu izan du Olentzero Gabonetan. Gabon gauean, bost Olentzero inguru jaisten omen zituzten Gaztainotik herri gunera, Madalen kalean barrena eskean ibiltzeko asmoz, euren auzoan dirurik ematen ez zutelako. Gerra garaian, Olentzero debekatua egonagatik, Luixita eta bere lagunek herrira jaisten jarraitu zuten, Olentzero eta guzti, eta aguazilengandik ihesi ibiltzen omen ziren. Gurasoek ere parte hartzen zuten halakoetan, Olentzeroak garraiatzeko egituren prestaketa lanetan laguntza emanez, batez ere.

15. Txerri-hiltzea

- **Erref:** ERR-045/007
- **Iraupena:** 0:01:47. **Hasi:** 00:23:02. **Bukatu:** 00:24:49
- **Multimedia:** bideoa online ikusgai

Gaia(k):

- Baserrria » Baserriko lanak » Abere-hiltzea

Laburpena:

Bi edo hiru urtez hil omen zuten txerria etxean. Luixitaren aita gehiagotan ez egitea erabaki zuen, errentagarri ez zitzaiela eta.

16. Erreterian oiloak balkoietan

- **Erref:** ERR-045/008
- **Iraupena:** 0:02:53. **Hasi:** 00:24:49. **Bukatu:** 00:27:42
- **Multimedia:** bideoa online ikusgai

Gaia(k):

- Baserrria » Baserriko bizimodua
- Familia eta harremanak » Herriko giroa » Baserrria vs. Kalea
- Baserrria » Baserriko lanak

Laburpena:

Gerra garaian jende askok gosea pasa zuela diosku Luixitak, eta kalean bizi zirenek, baserritakoek baino gehiago. Erreterian, baserritik jaitzitako jende ugari bizi omen zen kalean, eta etxeak balkoia bazuen, normala omen zen animaliaaren bat edukitzea bertan. Baratzeak ere nonahi prestatzen ziren, baimena lortuz gero. Gaztainoko etxe gehienetan, baserriak ez izanagatik, baserriko lan martxa eramaten zutela dio Luixitak.

17. Bizilagunen arteko hartu-emana

- **Erref:** ERR-045/009
- **Iraupena:** 0:04:39. **Hasi:** 00:27:42. **Bukatu:** 00:32:21
- **Multimedia:** bideoa online ikusgai

Gaia(k):

- Herria, azpiegitura » Berrikuntzak » Argindarra eta ura
- Familia eta harremanak » Herriko giroa » Auzokoen arteko harremana

Laburpena:

Oso harreman ona zen Gaztainoko auzoen artean, eta asko laguntzen zuten elkar. Luixitak dio, lehenbiziko "komuna komunista" han ezagutu zuela berak.

18. Koltxoiak leihoetan; Azkoitira ihesi

- **Erref:** ERR-045/010
- **Iraupena:** 0:02:42. **Hasi:** 00:32:21. **Bukatu:** 00:35:03
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Gerraren eragina

Laburpena:

Bost urte inguru izango zituen Luixitak gerra piztu zenean, eta orduko oroitzapen konkretu batzuk soilik ditu gogoan: soldaduak auzora heldu zirenekoa eta Azkoitira joan zirela ihesi, amonarenera.

19. Aitak 'Garmendia' okindegiko lana utzi

- **Erref:** ERR-045/011
- **Iraupena:** 0:02:54. **Hasi:** 00:35:03. **Bukatu:** 00:37:57
- **Multimedia:** bideoa online ikusgai

Gaia(k):

- Ekonomia eta industria » Langileen arteko harremana eta langile-mugimenduak
- Lanbideak » Negozioak, dendak

Laburpena:

Luixita haurra zela, aitak Erreteriarako Garmendia okindegian egiten zuen lan, "Alamedan", baina nagusiekin izandako desadostasun batzuk bitarte, haserretu eta lan hura utzi egin zuen. "Villaverde" okindegian hasi zen lanean gero, eta hantxe aritu zen erretiroa hartu arte.

20. Luixita poz-pozik joaten zen eskolara

- **Erref:** ERR-045/012
- **Iraupena:** 0:02:35. **Hasi:** 00:37:57. **Bukatu:** 00:40:32
- **Multimedia:** bideoa online ikusgai

Gaia(k):

- Aisia » Kultura » Irakurtzea
- Ohiturak eta bizimodua » Hezkuntza » Eskola

Laburpena:

Bost urterekin hasi zen Luixita eskolan, pozik, eta gogoan du irakurtzen ikasteko erabiltzen zuten metodologia. Berak oso azkar ikasi omen zuen, amak zein amonak egunero eramaten baitzuten egunkaria etxera.

21. Kanturako sena eta zaletasuna

- **Erref:** ERR-045/013
- **Iraupena:** 0:04:59. **Hasi:** 00:40:32. **Bukatu:** 00:45:31
- **Multimedia:** bideoa online ikusgai

Gaia(k):

- Aisia » Kultura » Bertsolaritza
- Aisia » Kultura » Musika

Laburpena:

Ama Azkoitiko abesbatzako abeslari eta aita oso bertsozalea omen zituen Luixitak. Zenbait kanta gogoan ditu, bai eta hainbat bertso-doinu ere. Ezin du jasan jendeak edozein modutara kantatzea.

22. Hamabi urte bete arte eskolan

- **Erref:** ERR-045/014
- **Iraupena:** 0:03:55. **Hasi:** 00:45:31. **Bukatu:** 00:49:26
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Lanbideak » Neskameak

Laburpena:

Denetarik egiten omen zuten eskolan, eta antzerkiak eta kantuak ditu bereziki gogoan Luixitak. Behin hamabi urte beteta, haur-zain joateko utzi behar izan zuen eskola. Hala ere, ez zitzaion lan hori gustatzen eta Niessen fabrikan hasi zen lanean.

23. Hamalau urte bete eta Niessen fabrikan lanean hasi

- **Erref:** ERR-045/015
- **Iraupena:** 0:07:14. **Hasi:** 00:49:26. **Bukatu:** 00:56:40
- **Multimedia:** bideoa online ikusgai

Gaia(k):

- Familia eta harremanak » Sexua eta generoa » Genero berdintasuna
- Ekonomia eta industria » Lantegiak » Gipuzkoako lantegiak

- Ekonomia eta industria » Lan-baldintzak

Laburpena:

Behin hamalau urte beteta fabrikaz fabrika lan bila hasi zen Luixita. Lan-txandatan aritzen ziren lantegitan sartu ahal izateko, ordea, hamasei urteak beteta eduki behar izaten zen. Urte betez bila ibili ondoren, Azkenerako, aitaren bitartez, Niessen fabrika sartzea lortu zuen, eta Luixitaren atzetik bere bi ahizpak ere bertan lanean hasiko ziren gerora. Luixitaren fabrikako eginbeharrak taladroari lotutakoak izan da beti. Fabrika gizonetakoak eta emakumeak aritzen ziren arren, bereizita zeuden batzuen eta besteen lanak eta soldadak.

24. Lehen greba eguna, Hamabost urterekin

- **Erref:** ERR-045/016
- **Iraupena:** 0:07:49. **Hasi:** 00:56:40. **Bukatu:** 01:04:29
- **Multimedia:** bideoa online ikusgai

Gaia(k):

- Ekonomia eta industria » Lan-baldintzak
- Ekonomia eta industria » Langileen arteko harremana eta langile-mugimenduak

Laburpena:

Lehen greba eguna egitea hamabost urterekin egokitu zitzaion Luixitari, eta etxean geratzea baino gehiago ez zuen egin, graba bera zer zen ez baitzekien. Gerora, baina, delegatu sindikal izan zen eta konturatzen hasi, berak dioen bezala, langilea bera dela askotan langileriaren etsairik handiena.

25. Gurean kanpotarrak etorkinari kargu hartzen dio

- **Erref:** ERR-045/017
- **Iraupena:** 0:05:16. **Hasi:** 01:04:29. **Bukatu:** 01:09:45
- **Multimedia:** bideoa online ikusgai

Gaia(k):

- Familia eta harremanak » Herriko giroa » Kanpoko jendearekin harremana
- Ekonomia eta industria » Langileen arteko harremana eta langile-mugimenduak

Laburpena:

"Prima" bidezko lana zer zen azaltzen digu Luixitak, eta baita etorkin izateari eta herri batean sustraitzeari buruz duen iritzia ere.

26. Etorkinen bizi-baldintzak Erreterian.

- **Erref:** ERR-045/018
- **Iraupena:** 0:04:15. **Hasi:** 01:09:45. **Bukatu:** 01:14:00
- **Multimedia:** bideoa online ikusgai

Gaia(k):

- Familia eta harremanak » Herriko giroa » Kanpoko jendearekin harremana

Laburpena:

Gogoan ditu Luixitak bere lankide izandako hainbat kanpotarren bizi-baldintza gogorrak. Soldatak euren jatorrizko herrietan utzitako familiei bidaltzen zizkieten, eta hala, euren ezer gutxi geratzen zitzaien Euskal Herrian bizitzeko.

Zabala Beristain, Luixita | ahotsak.eus Orr.

Ahotsak.eus-eko edukiarekin sortutako dokumentu automatikoa.

2026-08-15

CC-by-sa | Ahotsak.eus

Badihardugu Euskara Elkartea

Markeskua Jauregia, 20600 Eibar

943121775 - ahotsak@ahotsak.com